



Universitätsbibliothek Paderborn

**De Monstris Et Monstrosis, Qvam Mirabilis, Bonvs, Et
Ivstvs, In Mvndo Administrando, Sit Devs, Monstrantibvs**

Stengel, Georg

Ingolstadij, 1647

§. 3. An monstra in omnibus rebus, etiam in artibus dentur?

[urn:nbn:de:hbz:466:1-51168](https://nbn-resolving.de/urn:nbn:de:hbz:466:1-51168)

lia, & quām varia, itemque quibus in rebus occurrant? Illis enim negatis, nequicquam diuinæ potestatis, bonitatis, & æquitatis in ijs judicia indagaremus: at enucleatè perspectis, exclamare nobis libebit:

Quis similis tui in fortibus, Domine? quis similis tui, magnificus in sanctitate, terribilis atque laudabilis faciens mirabilia?

§. III.

An Monstra in omnibus rebus, ac etiam in artibus dentur.

Reperiuntur itaque eiusmodi inconsueti naturæ effectus, in omni propemodum rerum genere, in elementis, in lapidibus, in metallis, in plantis, in bestijs, in hominibus, apud quos non natura tantum errat, sed sæpius etiam mores, qui à ratione deuij haud immerito & ipsi monstroſi appellantur: sicut & aliæ quædam res insolitæ & inconsuetæ. Artes autem, etiam quando monstra producunt, si scitè producunt, non errant, sed id producunt, quod volunt. Quare picti, aut sculpti Satyriſci, Tragelaphi, Hippocentauri, non tam monstra, quām imagines monstrorum sunt appellandi. Quòd si quis, præter mentem suam, aut contra voluntatem,

B 3

diabo-

6 Cap. I. Quid, quām varia,

diabolum pingit, cūm Angelum formosum destināset, is effectus, non arti, sed imperitiæ artis est attribuendus. Vnde, si ad mentem pingere volentis attendamus, monstra possunt dici, sed artificis verius, quām

Matth. 6
26 & 8.
20. & 12
13. Plin.
lib. 2 c. 38.

artis. Naturæ autem monstra, quæ non sunt præter mentem summi Opificis, sed præter peculiaris duntaxat naturæ finem, in omnibus subinde elementis gigni, immo non tantum supra nos in aëre, qui in sacris & profanis libris *cælum* appellatur, sed etiam in *cælo* ipso superiore conspici, historiæ narrant, docet experientia, ocu-li testantur.

§. IV.

In cælo stellato, & sub eo Monstra esse.

Nam, si quis cometas siue in aëre accessos & extinctos, siue in *cælo* sublimiore natos, aut eò tandem promotos, ex hac classe vult eximere; si & stellam, quæ Matth. 2. Magos ad Christum natum utique prodigiosè perducens aliquid significando monstrauit, atque extra naturæ ordinem astrorumque vias visa est per aërem decurrere; si nouam illam, quæ, anno salutis nostræ 572. supra millesimum, per biennium, inter fixas stellas, in Cassiopea apparuit, stellam